

# कैलाश पुरी से चाल के शिव नन्द महर घर आयो लिरिक्स



कैलाश पुरी से चाल के,  
शिव नन्द महर घर आयो।bd।

राग – पारवा ~ लावणी।

---

शिव भगति मं मगन,  
दरस री लगन,  
“ध्यान लाग्यो धरणै”-२,  
महाराज ध्यान लाग्यो धरणै,  
हेजी-२ ओ ध्यान लाग्यो धरणै,  
बिष्णु रो कठै निवास,-२  
देखणू हरि नै।bd।

---

देख्यो च्यारू कूट,  
और बैकूण्ट,  
“देव और नर मं”-२  
महाराज देव और नर मं,  
हेजी-२ ओ देव और नर मं,  
नारायण लियो अवतार,-२  
नन्द कै घर मं।bd।

---

प्रभु नन्द घरां अवतारी,  
लख मगन भयो त्रिपुरारी,  
आंखड़ल्यां तरसै म्हारी,  
चालण री करी तयारी।bd।

---

स्रींगी सेळी कण्ठी माळा,  
गळै बीच घाली है,  
बाघम्बर लपेटी तन पर,  
भस्मी रमाली है,  
शीश ऊपर शोभा देवै,  
जग नै तारण हाळी है,  
कैलासां सू बिदा होया,  
बोल्या हर बम-बम।

समस्त भजनों के लिरिक्स और विडियो बिना इन्टरनेट के शीशू भजनों को मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



बाज रयो डम् डम्,  
चन्दरमा लिलाइ ऊपर,  
कर रयो चम् चम्।bd।

---

चाल्यो सरप गळा मं घाल की,  
दिण ब्रज मं आय उगायो,  
कैलाश पुरी सै चालकै,  
शिव नन्द महर घर आयो।bd।

---

गोकुळ री देखी झलक,  
जगाई अलख,  
“नन्द रै द्वारै”-२  
महाराज नन्द रै द्वारै,  
हेजी-२ ओ नन्द रै द्वारै,  
एक दरस भिखारी,-२  
खड्यो बारणै थारै।bd।

---

अलख-अलख रयो टेर,  
होय रयी देर,  
“जावूँ घर म्हारै”-२  
महाराज जावूँ घर म्हारै,  
हेजी-२ ओ जावूँ घर म्हारै,  
माई माई,-२  
शिवशंकर खड्यो पुकारै।bd।

---

जद माता जसोदा बोली,  
एक संत खड्यो छै पोळी,  
भिच्छा ल्यायी अणमोली,  
जोगी की भर देवूँ झोळी।bd।

---

थाळी भरकै ल्यायी माता,  
रतन अमोला रे,  
लालै री बधाई देवूँ,  
लेज्या जोगी भोळा रे,  
जाग्यावै कन्हैयो म्हारो,  
करै मृत रोळा रे,

समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल  
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



भीख कोनीं लेवूं तेरै,  
पुत्तर नै दिखा दे माई,  
भोळेनाथ घरै आयो,  
जायकै सुणा दे माई,  
अलख पालणियै तेरै,  
सुत्यो है जगा दे माई।bd।

---

सूरत दिखा दे थारै लाल की,  
शिव दरसण ताई आयो,  
कैलाश पुरी सै चालकै,  
शिव नन्द महर घर आयो।bd।

---

तेरी सुण डमरू की तान,  
सूतेड़ो कान,  
“चिमक कै जागै”-२  
महाराज चिमक कै जागै,  
हेजी-२ चिमक कै जागै,  
लाला रै निजर लग जायै,-२  
ल्यावूं नीं तेरै आगै।bd।

---

तेरै गल्लै बीच मं शेष,  
अजब तेरो भेष,  
“मनै डर लागै”-२  
महाराज मनै डर लागै,  
हेजी-२ ओ मनै डर लागै।  
बाळक देखै तेरो,-२  
रूप रोयकर भागै।bd।

---

कै रिया बचन कैलासी,  
माई कर दे मैर जरासी।  
थारै घर प्रगट्यो अबिनासी,  
आंख्यां दरसण री प्यासी।bd।

---

मेरो ईष्ट देव माई,  
झूलै थारै पालणै,  
जगत को करता धरता,  
समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल  
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



खेलै थारै आंगणै,  
दरसण करबा आयो कोनीं,  
आयो भीख मांगणै,  
तातो पाणी कर दूं जोगी,  
बैठकर कै न्हायले,  
भूख जे लगी तो जोगी,  
दही रोटी खायले,  
पुत्तर नै दिखावूं कोनीं,  
चायै भिक्षा नांयले।bd।

---

क्यूं बात करै है जाळकी,  
चल्यो जायै जठै सै आयो,  
कैलाश पुरी सै चालकै,  
शिव नन्द महर घर आयो।bd।

---

शंकर होय निरास,  
फेर कैलास,  
“चालण नै लाग्यो”-२  
महाराज चालण नै लाग्यो,  
हेजी-२ ओ चालण नै लाग्यो,  
पलणै मं सूत्यो,-२  
कंवर कन्हैयो जाग्यो।bd।

---

चिमक मारी किलकार,  
पैर फटकार,  
“रोवण नै लाग्यो”-२  
महाराज रोवण नै लाग्यो,  
हेजी-२ ओ रोवण नै लाग्यो,  
माता कैती,-२  
जोगिड़ो निजर लगाग्यो।bd।

---

झट गोद लियो महतारी,  
हुलरा-हुलरा कै हारी,  
आई दस पांच बिरज की नारी,  
थारो क्यूं रोवै बनवारी।bd।

---



कोई बोली पेट दुखै,  
कान मं है चटको,  
कोई बोली कीड़ो कांटो,  
भर लियो बटको,  
माता बोली भैणा म्हारै,  
जी मं ओर खटको,  
अेक जोगी आयो भैणा,  
करग्यो जादू दूणो अे,  
जोगिड़ो जाणै कै पीछै,  
रोवै दूणो दूणो अे,  
पकड़ कै जोगी नै ल्यावूं,  
दून्हूं कूणो कूणो अे।bd।

---

काम्बळ सी नार खाळ की,  
शिव शंकर नाम बतायो,  
कैलाश पुरी सै चालकै,  
शिव नन्द महर घर आयो।bd।

---

जसुमति दौड़ी लैर,  
जोगिड़ा ठैर,  
“जाण देवूं नाई”-२  
महाराज जाण देवूं नाई,  
हेजी-२ ओ जाण देवूं नाई,  
कान्है रो दुखै पेट,-२  
थूं निजर लगाई।bd।

---

के कर आयो जादू,  
पाखण्डी सादू,  
“बोल रयी माई”-२  
महाराज बोल रयी माई,  
हेजी-२ ओ बोल रयी माई,  
शिवशंकर कवै घर चालूं,  
देवूला दवाई।bd।

---

शंकर मन मं हरसायो,  
संग जसुमति कै घर आयो,  
पोळी मं कृष्ण बुलायो,  
हंस कर कै कण्ठ लगायो।bd।

समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



निजर लागी तो तनै,  
बभूती री चूटी देवू,  
सरद जुखाम व्है तो,  
ओर जड़ी बूटी देवू,  
पेट मं दर्द व्है तो,  
जायफळ री घूटी देवू।bd।

---

शीश ऊपर हाथ फेरै,  
आशीषां सुणाय रयो,  
गद गद कण्ठ हो कै,  
मन मं हरसाय रयो,  
शंकर-श्याम मिल्या जद,  
“मोहन” गुण गाय रयो।bd।

---

ल्यायो उमर हजारां साळ की,  
यो जसुमति थांको जायो,  
कैलाश पुरी सै चालकै,  
शिव नन्द महर घर आयो।bd।

---

कैलाश पुरी से चाल के,  
शिव नन्द महर घर आयो।bd।

लेखक – स्व० श्रीमोहन लाल जी चोटिया ।  
गायन – श्रीरोहित पुजारी(सालासर)  
प्रेषक – विवेक अग्रवाल ।

---